

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.11 Ng.19

Liggaeuq ietceih nienz ndwengouj samcib Geizsoq: Gungh daih 3694 geiz

Gvangjsih Netsaed Doihaeuj Hwnqguh Gih Guhyiengh Couqmaenh Gij Eiqsik Cunghvaz Minzcuz Ranz Vunz Ndeu

11 nyied 13 hauh, gicej daj aen hoih fatbouh saehmog baenzroix cawjdaez “guhsat hwnghat ndei saed aen gviveh ‘cibsei q haj’ ” Swcigih Cwnghfuj Sinhvnzban guh de roxyiuj. Gih raeuz aeu couqmaenh gij eiqsik Cunghvaz Minzcuz ranz vunz ndeu dangguh diuz sienqmei gak hangh hong daengx gih, caezhwnq caezyungh “haj aen suenranz”, doinyoengx hwnqguh couqmaenh gij eiqsik Cunghvaz Minzcuz ranz vunz ndeu byaij laeg byaij saed.

Caezhwnq caezyungh aen suenranz cingsaenz caezcaemh Cunghvaz Minzcuz, gak cuz vunz lai caez byaij coh sevei cuji yendaiva baihnaj engqgya ronghsag. Aeu “yinzgungh cinwngz” hawjrenz cien hangz bak nieb, aeu AI yungh daengz aen hidungj bingzya hwnqguh gih guhyiengh doengh gij dieg guhhong minzcuz neix. Bued ngaenzcienz caizcwngh swnciep doihaeuj guhhoengh lajmbanj (gij hong hwnghat minzcuz vunznoix) 35.8 ik maenz, guh 5800 lai aen hanghmoeg, dieg duetgungh lajmbanj boux vunz ndaej ceiboij souhaeuj lienzdaemh 4 bi sang gvaq daengx guk, daengx gih lajmbanj boux vunz bingzyaenx suijbingz. 8 aen yienh (si, gih) henzguk guhbaenz roen gauhsuz

nduj, gangj ndei gij gojgaeq Gvangjsih minzcuz doxgiet baenaj. Cienzswnj hwnghat gij vwnzva ciuhgeq maenhndei Cunghvaz, dajcauh “sam nyied sam Gvangjsih • aen ciet angq Betgveiq” doengh gij binjbaiz miz daegsaek neix.

Caezhwnq caezyungh aen suenranz vuenyungz doengzcae baenzmiz, gak cuz vunz lai caez byaij coh sevei cuji yendaiva baihnaj engqgya ronghsag. Aeu “yinzgungh cinwngz” hawjrenz cien hangz bak nieb, aeu AI yungh daengz aen hidungj bingzya hwnqguh gih guhyiengh doengh gij dieg guhhong minzcuz neix. Bued ngaenzcienz caizcwngh swnciep doihaeuj guhhoengh lajmbanj (gij hong hwnghat minzcuz vunznoix) 35.8 ik maenz, guh 5800 lai aen hanghmoeg, dieg duetgungh lajmbanj boux vunz ndaej ceiboij souhaeuj lienzdaemh 4 bi sang gvaq daengx guk, daengx gih lajmbanj boux vunz bingzyaenx suijbingz. 8 aen yienh (si, gih) henzguk guhbaenz roen gauhsuz

“yienhyienh doeng”, Bwzswz Si, Bingzsiengz Si senjhaeuj aen hawsingz sawqdiemj doengzcae yendaiva daengx guk.

Caezhwnq caezyungh aen suenranz huzndei henmuengh doxbang, gak minzcuz doxbyaij doxyau doxyungz lai gvangq lai laeg. Laebdaeb doihaeuj “sam hangh dajveh • Gvangjsih cingq hengzdoengh”, Gvangjsih caeuq Gangj Au Daiz caeuq gukgya Dunghmungz doxyau doxgap laebdaeb gyaak. Gihcwnghz segih hong minzcuz cauhoq hwnghat, segih hwnqguh, segih fugsah caeuq segih hozdung suijbingz laebdaeb daezswng. Cauhlaeb minzcuz doxgiet baenaj aeundaeh cunghyoengq moq, daengx gih seizneix miz gih guhyiengh minzcuz doxgiet baenaj daengx guk danhvei guhyiengh 61 aen, mozfanz cizdij 310 aen, mozfanz bouxvunz 314 boux.

Caezhwnq caezyungh aen suenranz gyaundeidei ndeiyouq ndaejgyaeu, aen ciubaiz “Gvangjsih

swnghdai gijndei gim mbouj vuenh” engqgya rongh. Laebmaenh caeuq hengzguh aen leixniemh song bya, swnghdai vanzging cizlieng laebdaeb lai bi bauyouq daengx guk baihnaj. Cienzmienh doihengz aen vunqsik guenleix lajmbanj “dangjen + vangigwz + daihsogawq”, hwnqguh lajmbanj gyaundeidei habyouq habnieb guh baenaj ndeindei, lajmbanj seiqhenz vunz youq laebdaeb gaijndei, gak cuz vunz lai lai raen ndaejdaengz, raen vuenyungz, raen ancienz.

Caezhwnq caezyungh aen suenranz henzguk bingzan onjdingh, daengx aen guenleix hongsaeh minzcuz caeuq rengz guenleix engqgya ndei saed liuxliux. Guhyiengh doekguh aen cidu gizdieg minzcuz gagguenj, siujsim onjdingh doihaeuj hong diuzcingj guhcaez minzcuz cwnghcwz fapgyi. Laebdaeb gek fuengz gij fungyiemj huxndumj aen gvaengx minzcuz.

(daj 《Gvangjsih Yizbau》 aeu daeuj genj hoiz Hoz Mingzvaz)

Gvangjsih Bouh Nduj Heiq-yungh Heiqwngnyez Youq Nanzningz Yienj Baez Nduj

11 nyied 14 hauh daengz 15 hauh, Gvangjsih bouh nduj Heiqyungh heiqwngnyez 《Roegvameiz Ndaengndiengq》 youq Yunghcouh Gicangz yienj, bouh heiq neix dwg Nanzningz Si Minzcuz Vwnzva Yisuz Yenzgiuyen caeuq Gvangjsih Yisuz Hagdangz caez cauhaiz.

《Roegvameiz Ndaengndiengq》 aeu gojwngnyez gojbeij guh lamzbonj, lwnghangj gij gojgaeq roegvameiz majhung: Roegvameiz gyaundeidei baengh sing go ndeidingq ciengqgo ndaej daih’ it le, ndaengndiengq ndaengmoj, bienqbaenz duzroeg gikgyakgyak, mbouj lienh ciengq, mbouj guh rongz, gaenx gwn gik guh. Mwh seizdoeng daeuj daengz, roegvameiz deng rumznit cifofo ienqhoij raixcaix. Doeklaeng, de ndaej daengz gyoengq roeg bang dauq bienq gaenx, dauqungz ra dauq bonjfaenh.

Baezneix 《Roegvameiz Ndaengndiengq》 camgya aen baijyienj heiq vunzmoq cozbij moq daengx guk gaiq nduj, mboujdan dwg Gvangjsih bouh nduj Heiqyungh heiqwngnyez baez nduj oknaj, lij hai diuzroen moq hawj cienzswnj cienzboq heiq yaek mied. Doenggyaq heiq ciuhgeq caeuq daezcaiz lwngnyez cauhoq yungzhab, bouh heiq neix gawq baujlouz miz gijndei yisuz Heiqyungh, youh hawj de miz rengz singisien depgyawj seizdaih, depgyawj lwngnyez, ok rengz vwnzva Gvangjsih hawj aen baijyienj heiq vunzmoq cozbij moq daengx guk.

(Lij Cunghvwnz Vangz Fanghhih)



Mungzsanh Yen Haenqrengz Ndaem Cazyouz

11 nyied 14 hauh, youq Mungzsanh Yen Sinhhih Cin Gujding Cunh aen dieg ndaem cazyouz ndeu, vunz lai cingq mbaet makcazyouz. Geij bi neix daeuj, aen yienh neix guh buek dieg ndaem cazyouz ndeu, ragdoengh vunz lai henzgyawj ndaem cazyouz roxnaeuz gaijcauh ndoeng cazyouz, hawj de lai baenz mak ndaej ngaenz, bangrengz guhhoengh lajmbanj.

(Vangz Swnglinz ingj)